

Broj: 03-02-312/2023
Sarajevo, 07.04.2023. godine

PARLAMENT FEDERACIJE
BOSNE I HERCEGOVINE

- Predstavnički dom -
gđa Mirjana Marinković-Lepić, predsjedavajuća ✓
- Dom naroda -
gosp. Tomislav Martinović, predsjedavajući ✓

Bosna i Hercegovina
Federacija Bosne i Hercegovine
PARLAMENT FEDERACIJE
SARAJEVO

Priloženo: 06-04-2023 8-9

Org. jed.	BRJ	Priloga	Vrijednost
01,02-02-		1045	123

PREDMET: Mišljenje Vlade Federacije Bosne i Hercegovine

Poštovani,

U skladu sa članom IV.B.3.7.c) (III) Ustava Federacije Bosne i Hercegovine, a u vezi sa odredbama čl. 165. i 179. Poslovnika Predstavničkog doma Parlamenta Federacije BiH („Službene novine Federacije BiH“, br. 69/07, 2/08 i 26/20) i sa odredbama čl. 157. i 172. Poslovnika o radu Doma naroda Parlamenta Federacije BiH („Službene novine Federacije BiH“, br. 27/03, 21/09 i 24/20), u prilogu Vam dostavljam **Mišljenje o Prijedlogu zakona o izmjeni i dopunama Zakona o koncesijama – skraćeni postupak, koji su podnijeli Damir Nikšić, poslanik u Predstavničkom domu Parlamenta Federacije BiH i Sanela Klarić, delegatkinja u Domu naroda Parlamenta Federacije BiH**, a koje je Vlada Federacije Bosne i Hercegovine utvrdila na 357. sjednici, održanoj 06.04.2023. godine.

Mišljenje se dostavlja na službenim jezicima i pismima Federacije Bosne i Hercegovine.

S poštovanjem,



Prilog: kao u tekstu na bosanskom jeziku

Co: Federalno ministarstvo prostornog uređenja
gosp. Josip Martić, ministar

BOSNIA AND HERZEGOVINA
FEDERATION OF BOSNIA AND HERZEGOVINA
GOVERNMENT

Na osnovu člana 51. Poslovnika o radu Vlade Federacije Bosne i Hercegovine - Prečišćeni tekst - („Službene novine Federacije BiH“, br. 6/10, 37/10, 62/10, 39/20 i 67/21), a u vezi sa odredbama čl. 165. i 179. Poslovnika Predstavničkog doma Parlamenta Federacije BiH („Službene novine Federacije BiH“, br. 69/07, 2/08 i 26/20) i sa odredbama čl. 157. i 172. Poslovnika o radu Doma naroda Parlamenta Federacije BiH („Službene novine Federacije BiH“, br. 27/03, 21/09 i 24/20), nakon razmatranja Prijedloga zakona o izmjeni i dopunama Zakona o koncesijama – skraćeni postupak, koji su podnijeli Damir Nikšić, poslanik u Predstavničkom domu Parlamenta Federacije BiH i Sanela Klarić, delegatkinja u Domu naroda Parlamenta Federacije BiH, Vlada Federacije Bosne i Hercegovine je, na 357. sjednici održanoj 06.04.2023. godine, utvrdila

MIŠLJENJE

Razmotrivši podneseni Prijedlog Zakona o izmjeni i dopunama Zakona o koncesijama, koji su podnijeli Damir Nikšić, poslanik u Predstavničkom domu Parlamenta Federacije BiH i Sanela Klarić, delegatkinja u Domu naroda Parlamenta Federacije BiH, Vlada Federacije Bosne i Hercegovine cijeni da svaki prijedlog zakona koji ima za cilj poboljšanje i unaprjeđenje zakonskih rješenja je kao takav osnovan.

Međutim, podneseni prijedlog potrebno je preispitati u smislu utvrđivanja jasnih, preciznih normi, usaglašenih sa Ustavom Federacije Bosne i Hercegovine, te u praksi provodivih u postojećim kantonalnim zakonima iz oblasti građenja, kojima su propisane nadležnosti za izdavanje odobrenja za male hidroelektrane.

Ukazujemo na neophodnost ispravki u cilju utvrđivanja preciznijih normi, te ispravki normativno-pravne prirode u tekstu Zakona, kako slijedi:

- Prijedlog zakona nosi naziv: „Zakon o izmjeni i dopunama Zakona o koncesijama“, dok iz predloženog teksta Zakona proizilazi da bi isti trebao nositi naziv „Zakon o izmjenama i dopunama Zakona o koncesijama“, te je isti potrebno uskladiti u tom pogledu;

- Članom 2. prijedloga Zakona u nadležnost Federacije Bosne i Hercegovine daje se izgradnja hidroenergetskih objekata, te se istim članom propisuje obustavljanje bilo kakvog odlučivanja o dodjeli koncesija do i uključivo 10 MW na području Federacije Bosne i Hercegovine - važećom odredbom člana 6. stav 1. tačka (3) Zakona o koncesijama propisano je da je u nadležnosti Federacije Bosne i Hercegovine izgradnja hidroenergetskih objekata snage preko 5 MW, a ne svih hidroenergetskih objekata kako se to ovim zakonskim rješenjem predlaže - u obrazloženju zakonskog rješenja navodi se intencija da se sve hidroelektrane do 10 MW prenesu u nadležnost Federacije Bosne i Hercegovine, a kako bi se izbjegla dugotrajna procedura izmjena kantonalnih zakona o koncesijama; Članom III. 2. tačka h) Ustava Federacije Bosne i Hercegovine propisano je da su Federalna vlast i kantoni nadležni za korištenje prirodnih bogatstava, te se predloženim zakonskim rješenjem postupa suprotno Ustavu Federacije Bosne i Hercegovine kojom se materija za koju i kantoni imaju pravo donošenja propisa direktno daje u nadležnost Federacije Bosne i Hercegovine; Navedeno je također i u suprotnosti sa načelom usaglašavanja pri donošenju propisa iz zajedničke nadležnosti, gdje prirodni resursi nesumnjivo spadaju.

V. broj: 475/2023
06.04.2023. godine
Sarajevo


PREMIJER
Fadil Novalić